



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 51. Fulvii Astallii Cardinalis obitus.

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

tendere consenserint. Eapropter sexa- Sæc. XVIII.
 ginta Hungari partim Episcopi, partim A. C. 1721.
 Comites & Barones Viennam ad Im-
 peratorem contenderunt, unanimem
 Regni consensum confirmaturi, simul-
 que petitori, ut Cæsar Posonium venire
 dignaretur: Ergo die septima Julii Ca-
 rolus Imperator cum Augusta, duabus
 Archiducissis & Principe Eugenio illuc
 profectus, ac singulari veneratione ex-
 ceptus est, cunctaque in comitiis de-
 creta libere & unanimi suffragio admis-
 sa, adimpletaque sunt. Ad exemplum
 Hungarorum Bohemiæ Brabantix. Flan-
 driæ, Silesiæ & etiam Proceres Pragæ
 lege Pragmatica sexus fæminini succes-
 sionem in defectum virillis confirmarunt,
 & die quinta Mensis Septembris Ca-
 rolum ejusdem Regni hæreditarium
 Regem magnificentissime coronarunt.
 Postea anno sequenti die duodecima
 Junii Cæsar per *Protectionale* ut vocant,
 mandatum Hungaris Protestantibus po-
 stulata concessit, Catholici tamen Pro-
 ceres constanter reclamabant, palam
 declarantes, se omnia, quæ Viennæ
 in Religionis Catholicæ decrementum
 sunt statuenda, pro irritis habituros.

§. LI.

Fulvii Astalli Cardinalis obitus.

Q 2

Hoc

Sæc. XVIII.
A. C. 1721.

*Vit. Card.
Astall.
pag. 269.
Guarnac.
vit. Pontif.
tom. I.*

Hoc item anno ferali mortis Imperio tres Cardinales succubere. Ex his prior erat Fulvius Astallius patria Romanus, illustrissimis Parentibus Tyberio Marchione, & Victoria Maidalichinia natus. Tam præclaro igitur genere ortus, nullis caruit ad implendam virtutem, literasque excellentibus subsidiis; acutissima ingenii acie, & memoria non minus felici, quam tenaci præditus, ac judicandi, intermosque rerum recessus rimandi facultate excellens accedente infatigata sedulitate in Philosophicis ac Theologicis disciplinis tam insignem fecerat profectum, ut sub Clemente X. ejus Affinitas inter Curia Romanæ Præsules & Cæmeræ Apostolicæ Clericos recenseretur. Tam præceps fortuna haud caruit æmulum invidia; postquam enim ejus Patruus Pontificis gratia exciderat, indignatione in ipsum Nepotem propagata, primo omnibus privatur honorum officiis, ac demum ipsa etiam urbe excedere jubetur; Ast pleurumque ibi servat Deus, ubi homines innoxium opprimunt; nam, dum Fulvius diffidit, dum mærore semetipsum velut abjicit, Innocentius XI. æquilibrium Pontifex agnita obtrectantium malignitate Fulvium pristinae dignitati restituit, eumque ob insignem justitiae integri-

Sæc. XVIII.
A. C. 1721.

integritatisque comprobatæ ardorem
 Militiæ Pontificiæ Præfectum nomina-
 vit, & demum Romana Purpura con-
 decoravit. Nec otiosus Romæ hæsit
 Fulvius, sed cunctis S. Congregationi-
 bus, quibus erat aggregatus, assiduus
 interfuit, raraque suæ prudentiæ, mo-
 derationis, animique ab omni partium
 studio alieni specimina edidit. His
 dotibus instructus, ferme omnes Ec-
 clesiastici Status Legationes obibat, ac
 primo quidem Urbini, postea Rauenæ,
 ac demum Ferrariæ *Legatus a latere* re-
 nuntiabatur, in hoc vel maxime com-
 mendatus, quod, licet rei familiaris
 angustia premeretur, incorruptam ta-
 men semper justitiam exerceret. Non
 parum etiam publicam utilitatem pro-
 movebat, dum Æmilix Provinciam
 ab infestis viarum grassatoribus afflic-
 tam ac pene oppressam expurgabat, popu-
 losque caritate annonæ laborantes col-
 lectis undique frumentis sublevabat:
 Denuo regiminis sui felicitatem haud
 parum turbabant bellici tumultus; cum
 enim neutri belligerantium parti fave-
 ret, & Comiti Hercolano milites pro
 Cæsare in Ferrariensi Provincia con-
 scribere prohiberet, maximam Impera-
 toris indignationem in se provocabat,
 quæ plurimum aucta est, eo quod ipse-
 met Pontifex multa se incio facta fuisse

Q 3

obten-

Sæc. XVIII. obtendens, totam culpæ molem in Ful-
 A. C. 1721. vii Cardinalis & Paolucii Belliducis
 Pontificii humeros exonerasset. Enim-
 vero ad vindicandam suam innocentiam
 Fulvius Pontificis iussa typis edi-
 rabat, quin tamen nimii erga Gallos
 affectus suspicionem a se amoliri pos-
 set; unde Leopoldus Imperator illum
 Viennam abduci, a Papa petiit, de
 damno Cæsareis illato rationem rediti-
 turum. Ast Imperatoris obitus, indeque
 mutata rerum facies præteritorum ob-
 livionem induxit. Tandem, postquam
 seditionem a Ferrariensibus rusticis con-
 citatam feliciter sedaverat, perdifficili
 Legatione hac perfunctus, Romam
 rediit, ubi a Clemente XI. ob miram
 rerum gerendarum dexteritatem maxi-
 mi habitus, mortuo Acciajolio S. Col-
 legii Decano Episcopus Ostiensis ac De-
 canus renuntiabatur, qua tamen digni-
 tate haud diu potitus est; repentina
 enim pectoris oppressione obrutus, om-
 niumque sensuum usu destitutus, die
 decima tertia Januarii anno ætatis suæ
 sexagesimo sexto Romæ decessit, se-
 pultus in Ecclesia de Ara Cæli in tu-
 mulo familiæ suæ gentilitio.